

## FOTO: Na glavnom trgu u Banjoj Luci obilježen "Dan bijelih traka"

31/05/2015 13:26 by Administrator

Jedan od učesnika ove akcije Srđan Uđinjić kazao je da su ovu akciju upriličili u Banjoj Luci povodom 31. maja 1992. godine kada su vlasti RS-a naredile nesrpskom stanovništvu tadašnje opštine Prijedor da bijelim trakama obilježe svoje kuće i domove i tijela, kao jednu vrstu formalizacije etnočistina koji se tada dešavalo.

- Današnju akciju će provesti obični građani, neki su uključeni u nevladine organizacije i inicijative, a neki nisu. Ovo je ipak akcija običnih građana kojom se želi vratiti dignitet i dostojanstvo... Žrtvi, ime i prezime, a ne njeno nacionalno opredjeljenje - naglasio je on. Ovom akcijom, također, žele da ukažu da su, kako je naveo, "žrtve stradale samo zato što su bili nesrbi u kampanji etničkog čišćenja, genocida i nacionalne homogenizacije u RS-u".

Uđinjić je dodao da sva svjedočenja koja su dostupna u Haškom tribunalu i u ozbiljnim istraživačkim radovima dementuju ignoranciju koju građani Banje Luke ispoljavaju, a što je na jedna način bio slučaj i danas.

- Meni je jasno, ali vjerujem da se građani Banje Luke mogu suočiti na način da nema nacionalne retorike... - naveo je on.

Podsjećamo, vlasti bosanskih Srba u Prijedoru su 31. maja 1992. godine izdale naredbu putem lokalnog radija kojom se naređuje nesrpskom stanovništvu da obilježi svoje kuće bijelim zastavama ili arafima, te da pri izlasku iz kuća stave bijele trake oko rukava. Tako je i pošlo za rukom etničkom čišćenju u Prijedoru, a nakon toga uslijedili su logori, masovne egzekucije i drugi zločini.

Izvor vijesti: Fena/Avaz